



Cov tsev kawm ntawv ib cheeb tsam hauv Appleton tej kev coj ua rau qhov uas xav kom rov qab cia kawm nyob rau theem qub rau qib kawm ntawv (qib K-6)

Lub 1 hlis ntuj xyoo 2020

Nyob rau hauv cov tsev kawm ntawv ib cheeb tsam huav Appleton, peb tseeg hais tias txhua tus menyuam kawm natwv yeej muaj peev xwm kawm tau ntawv nyob rau cov theem siab yog thaum peb muaj kev cob qhia tau siab thiab zoo heev. Cov khoo ka rau kev kawm, cov kev pab rau menyuam kawm ntawv, thiab ntau yam kev pab kom muaj qhov chaw zoo rau kawm ntawv uas yog ua kom muaj kev sib txuas lus qhia txog qhov uas xav kom yuav tsum ua kom tau zoo tshaj plaws, ua kom muaj qhov xav hais tias yeej muaj feem muaj tug nyob rau hauv thiab tsim kom tau ua kom ruaj khov rau txhua tus hauv lub zej lub zos thiab txuas kom tau rau cov kev kawm nyob rau tom vaj tom tsev. Cov kev ua raws li qhov nov yog ua kom paub meej hais tias txhua tus menyuam kawm ntawv muaj kev txawj ntse, muaj peev xwm ua tau thiab kev pab txhim kho ntawm tus kheej thiab kom muaj feem ua kom tau zoo zuj zus ntxiv uas lawv xav tau rau lawv kom lawv kawm tau cov ntaub ntawv uas muab rau lawv kawm. Yog vim li nov, qhov uas cia tus menyuam kawm ntawv nws rov qab nyob twj ywm rau qib kawm qhov qub ib xyoos mus rau ib xyoos tsuas yog cia rau thaum uas muaj qhov tsim nyog yuav tsum tau ua raws qhov muaj tshwm sim.

Yog hais tias niam thiab txiv/tus saib xyuas xav kom muab lawv tus menyuam tuav cia rov qab cia kawm nyob twj ywm rau qib kawm qub dua, lawv yuav tsum tau saub ib tsab ntawv xa mus rau tus menyuam kawm ntawv tus thaj khu saib tsev kawm ntawv *Tsis pub kom xa daim ntawv mus txov ntxov tshaj ua ntej ntu kawm nyob rau lub quarter kev kawm ntuj thib 3* Hais txog qhov xav thov kom muab coj los ua tib zoo xav rau kev txiav txim siab cia muab cheem rov nyob rau qib kawm lis qhov qub thiab yog vim li cas thiaj li xav kom ua li ntawd. *Cov ntaub ntawv thov kom ua raws li hais yuav tsum xa mus kom txog rau tus thaj khu saib lub tsev kawm ntawv tsis pub ko dhau lub 4 hlis hnuv tim 15 thiaj li yuav muab tau coj los xav saib puas ua tau li ntawd rau lub xyoo yuav los tom ntej rau kev kawm.*

Ua ntej yuav muaj qhov kev txiav txim siab cia tus menyuam kawm ntawv rov qab nyob thiab kawm rau qib kawm qhov qub, Cov neeg ua haujlwm hauv tsev kawm ntawv yuav tau muaj ib pab neeg los soj qab taug lw kom paub meej, muab kom tau cov ntaub ntawv thiab kev soj

ntsuam uas yog tsim nyog coj los siv tau nyob rau qhov kev txiav txim siab. Tus thaj khu ntawm lub tsev kawm ntawv yuav taumuab tes hauj lwm cob rau ib pab neeg los ntawm lawv cov neeg ua haujlwm, tus menyuam tus kws qhia ntawv hauv chav kawm ntawv, tus kws soj ntsuam kev xav kev to taub ntawm tib neeg nyob rau hauv tsev kawm ntawv, tus xaus saus vawv kawj saib xyuas kev sib raug zoo, tus kws uas yog tus muab kev pab ntxiv rau kev kawm thiab lwm leej lwm tus neeg ua hauj lwm uas tsim nyog yog tus uas muaj kev pab rau tus menyuam kawm ntawv qhov ua nws xav tau kev pab. Yuav tau muab cov ntaub ntawv teev tau cia tseg coj rov qab los saib dua kom tiav, nrog rau pab neeg ntawd tej kev soj ntsuam thiab xam pom. Yam uas tsawg kawg nkaus, yog cov ntaub ntawv hais txog tus menyuam kawm ntawv li qhov teev rau nram qab nov yuav muab coj los saib dua thiab muab ua tib zoo xav:

- Cov ntaub ntawv teev txog tus menyuam kev tuaj mus kawm ntawv tsis tu ncu
- Tus menyuam qhov kev kawm tau ntawv los txog rau hnuv no
 - Lub xeev cov kev xeev ntawv
 - Cov qhab nia tau los ntawm tsev kawm ntawv cov ntaub ntawv xeev kev kawm ntawv (nrog rau tsev kawm ntawv cov xeev ntawv siv ntsuas tus ciam ntawm kev kawm ntawv dua li cov uas yog lub xeev cov kev xeev ntawv)
 - Tus nai khu cov ntawv xeev menyuam kawm ntawv qhov kev kawm tau ntawv ua ntu zus li qhov uas niaj zaus kom ua raws nraim li tsoom fwm saib phab kev kawm cov ntaub ntawv ntawm kev kawm.
 - Kev kawm lus Askiv, kev kawm ntawv tshwj xeeb, los yog tej kev pab ntawm kev noj qab nyob zoo muaj mob muaj nkeeg uas tej zaum kuj tau muaj.
- Cov kev pab ntxiv raws li qhov muaj tseeb los txog rau niaj hnuv nov, qhov kev pab ntawm qhov muab rau ua thiab tus menyuam kawm ntawv qhov kawm tau ntawv ua ntu zus
 - Tus menyuam kawm ntawv cov nab npawb qhov siab thiab qhov qis thiab theem uas nws kawm tau ntawv ua ntu zus nrog rau kev pab ntxiv rau nws qhov kev kawm kom kawm ntau ntawv
 - Raws li qhov muaj tseeb los ntawm cov kev pab ntxiv kom kawm tau ntawv tau muab coj los siv nrog rau tus menyuam qhov kev tuaj mus kawm ntawv tsis tu ncu
- Niaj hnuv no cov kev pab ntau yam
- Tus menyuam kawm ntawv tus cwj pwm xeeb ceem ntawm qhov uas nws ua nws cov ntaub ntawv nws kawm raws li qhov tau pom thiab ntsuas tau los ntawm tsev kawm ntawv AASD qhov kev soj ntsuam rau cov menyuam uas nyuam qhuav pib kawm xyaum ua kom paub txog tej haujlwm tib neeg ua thiab lub neej txawj ua kom paub kawm ntawv kom paub hais tias ua li cas thiaj li ua tau raws qhov kev kawm uas muab cob rau ua kom tau raws li qhov xav kom ua.
 - Saib tus menyuam kawm ntawv qhov uas nws muaj kev fwm lwm tus thiab fwm txhua yam thiab niaj hnuv koom tes ua ub ua no nyob rau hauv chav kawm ntawv.
 - Saib tus menyuam kawm ntawv puas ua nws tes hauj lwm ntawm nws cov ntaub ntawv li uas yog nws tes hauj lwm ntawm nws ntaig tug ua kom kawm tau ntawv thiab ua tau raws li qhov yuav tsum ua kom tau.
- Tej zaum kuj muaj dua lwm txoj hau kev rau qhov uas cia muab rov qab tso nyob rau qhov qub

Yog yuav ua kom paub tseeb hais tias tus menyuam kawm ntawv tau txais lub sijhawm ntau kawg nkaus rau nws qhov kev kawm ntawv tau zoo zuj zus ntxiv, qhov kev txiav txim siab xav kom muaj qhov muab tso rov qab kawm nyob rau qib kawm qub dua ntxiv cov kev sab laj nrog rau pab neeeg uas raug cob tes haujlwm rau ua yuav muaj nyob rau ob lub as thiv uas muaj kawm ntawv xaus thaum kawg ntawm lub xyoo kawm ntawv. Thaum pib ntawm lub 5 hlis tsev neeg yeej yuav tsum tau txais cov lus teb los ntawm tsev kawm ntawv lub hoob kas hais txog qhov tau ua ntawv thov kom teem kom tau ib lub sijhawm tuaj sib tham. Qhov kev txiav txim siab cia rau rov qab kawm nyob rau qib kawm ntawv qub dua tsuas yog txiav txim raws tej tug uas nws muaj qhov xav kom ua li ntawd.

Txawm li cas los tsev kawm ntawv muaj lub fwjchim muab kev txiav txim siab cia tus menyuam kawm ntawv nce qib kawm los yog cia nws rov qab kawm nyob rau qib kawm qub dua ntxiv, Xav kom cov neeg ua haujlwm hauv tsev kawm ntawv yuav tsum siv zog kub siab lug koom tes nrog rau tus menyuam kawm ntawv niam thiab txiv tus saib xyuas nyob rau qhov kev txiav txim siab ua ntej yuav muaj qhov kev txiav txim siab rau thaum kawg. Yog hais tias ib tug menyuam kawm ntawv niam thiab txiv/tus saib xyuas tsis pom zoo raws li tsev kawm ntawv qhov kev txiav txim siab hais txog qhov xav kom cia muab tus menyuam kawm ntawv rov qab kawm nyob rau qib kawm qub dua, ces niam thiab txiv los yog tus saib xyuas muaj cai rov qab sau dua ib tsab ntawv mus rau tus thaj khu loj los yog tus uas muaj cai nrog hais tau thov kom rov qab muab coj los ua tib zoo saib thiab xav dua ntxiv. Tshwj hais tias yog txoj cai tau sam fwm kom yuav tsum ua, qhov kev txiav txim siab los ntawm tus thaj khu loj los yog tus muaj cai nrog hais ces qhov kev thov kom rov muab coj los hais tom qab ntawd yuav tsum yog zaum kawg.

Thov nco qab ntsoov hais tias:

- Yog hais tias niam thiab txiv/tus saib xyuas thov kom muaj qhov muaj qhov cia kom rov qab kawm dau nyob rau qib kawm ntawv qub dua uas yog rau tus menyuam kawm ntawv uas muaj kev kawm ntawv uas pom tau hias tais yog tus muaj tej yam nws ua tsis taus los yog xiam oob khab es muaj ib pab neeg uas yog pab nrog npaj lub hom phiaj rau kev kawm rau tus menyuam kawm ntawv yuav muaj kev sib tham sab laj txog tus menyuam kawm ntawv qhov kev kawm yog hais tias tseem xav kom yuav tsum muaj kev pab yog hais tias tej yam uas tus menyuam kawm ntawv xav tau kev pab ntawd yog los ntawm qhov nws ua tsis taus ces yuav tau los sib tham txog cov kev pab raws li qhov xav tau kev pab thiab hais txog qhov uas muaj tej uas tus menyuam kawm ntawv xav tau kev pab.
- Niam thiab txiv/tus saib xyuas cov ntaub ntawv thov yog tau txais nyob rau thaum lub caij ntuj sov es xav kom muaj qhov cia muab tso rov qab kawm nyob rau qib kawm ntawv qub dua rau ib tug menyuam kawm ntawv hloov kev kawm los ntawm lwm lub tsev kawm ntawv los yuav tsum cia rau tus thaj khu ua tus txiav txim. Yog hais tais ho muaj lwm lub tsev kawm ntawv uas tus menyuam kawm tas los lawd tau muaj kev pab rau nws yog tau txais kev tsis pom zoo los ntawm lwm lub tsev kawm ntawv dhau los, ces qhov kev thov kom ua raws li qhov hais ntawv yuav raug tsis txais yuav.